


Dolfo Nardini

I nomar de' lot dal ca populeri


Numeri 81-90



tosca

Dolfo Nardini

I nomar de' lot dal ca populeri




Dolfo Nardini




I nomar de' lot dal ca populeri

Numeri 81-90



tosca



Poi apparve un gran segno nel cielo: una donna rivestita del sole con la luna sotto i piedi, e sul capo una corona di dodici stelle. Ella era incinta, e gridava nelle doglie tormentose del parto. E apparve un altro segno nel cielo; ed ecco un gran drago rosso che aveva sette teste e dieci corna e sulle teste sette diademi. E la sua coda trascinava la terza parte delle stelle del cielo e le gettò sulla terra. E il drago si fermò davanti alla donna che stava per partorire, al fine di divorare il suo figliolo, quando l'avrebbe partorito. Ed ella partorì un figliolo maschio, che ha da reggere tutte le nazioni con verga di ferro; e il figliolo di lei fu rapito presso a Dio ed al suo trono. E la donna fuggì nel deserto, dove ha un luogo preparato da Dio, affinché vi sia nutrita per milleduecentosessanta giorni. E vi fu battaglia in cielo: Michele e i suoi angeli combatterono col drago, e il drago e i suoi angeli combatterono, ma non vinsero e il luogo loro non fu più trovato nel cielo. E il gran drago, il serpente antico, che è chiamato diavolo e satana, il seduttore di tutto il mondo, fu gettato giù; fu gettato sulla terra, e con lui furon gettati gli angeli suoi.

Dall'Apocalisse di Giovanni

81

Utentun l'è e' Casen (81), in du che sta al Puteni (78), che e' segna ench trentazenqv (35) e' l'è un Casen (12)! Però la è 'csé e u t'toca a toi tot du. Utentun l'è e' Pansir (81). Mo nenca e' Pensieros (81), ch'l'è Un ch'l'à di pinsir (81) ad dentar la Testa (55): Un Matematich (81), ad quii cun e' Diploma (81), un Artesta (81), un ch'l'à da Giudichè di delinquent (81)... O se no l'è sol un ch'l'à un Dispiaséi (81). Utentun l'è e' Regheli (81). Di Vstù (81)? Un Ziradesch (81)? Una Culena (81)? Nenca ad brilint (81), s'a n'ò a sà de' Stipendi (81). Mo a t'e' degh me. Andam a là, In du ch'i zuga al pali (14). A s'fasam du Buciedi (81) e pó una Feta ad mlon (81), mo nenca un Combar (81). Tent a Pegh (90) me. No! La culena? Va ben. Mo lasa stè Che Mangh ad cla garneda (81)! Zó, l'era un Scherz (13)! Zó! Mola Ch'la Garneda (5) in che Canton (81). Utentun, l'è l'Eclissi ad luna (81). Utentun, u l'fa a Scor cumé un mat (81)

magari dop che t'é Sviné e' Sanzveis (81), e Biastmé Dio (78), e' Signor (90) e la Madona (37) e tot i Anzul (15) ch'i va pr e' Paradis (6). E Quui ch'i i prega (54), i fa i Vut (81), i fa i Fiuret (81), e quui ch'Insegna (31), e chi Impera la dutrena (81)... Mo questa l'è Empietà (81)! Sé. Sisignor! E' pó a Balè a cul nud (81) sota a la Rora (81) e fès una Pisida (81) senza 'véi la Vargogna (12). E basta a ès Vargugnus (81). Int e' cul a e' Custodi (80) e nench a j Avsen (81)! E pó via! Schelz (19), a cor zó par la Vegna (81).




82

Utentadó, u l'fa Quelcunibafi (82).

Marco, un po' Strolgh (82) monca un po' Malè (82). E no ad chi mèl ch'i s'cura cun un Brod (82) o ch'tu un Purghent (82) e ta t'ci Liberè (4). No. Lo e' Chempa mèl (82). Int la su Testa (55) u j è cmé 'na Calezna (82). Sempra incazè (82). Ad Dentar (29) ad lo, lo e' Maledis (82) e' Mond (90) e U s'Maledis (90). E' forse e' bastareb ona Riseda (82). Utentadó u l'fa a Disubidi (82), che l'Eroisum (82) l'è nenca a Disertè (2), Ch'e' trop Unor (82), trop spes, l'è Sporch ad merda (82). Utendadó, l'è a stè a Santi dal foli (82), quei ch'la

m'Racunteva (34) la mi Ma (54),
dó tre pó, sempra quei e guasi
sempra quella ad Tredicino. Ch'u
s'Pardet int e' bosch (82), cun i
Fradel (89). U s'ved che la i
Piaseva (4) piò ad cagljetì.
Utentadó, la Letra dla murosà
(82). Azend al zigareti (82), ch'al
Fa mèl (68); e' Cantent (82); e'
Cagnaz (82), e l'Arsenel (82).
Utentadó, l'è i Sperz (82); l'è al
Giuri (82), e la Mastela (82).
Utentadó, u l'fa Quel ch'u s'la
god (82), mo enca a la granda. E
nun, cmé lo, Sperema (30) che
un dé, pó dop, la s'toca un po'
enca a nun.



83

Utentatré, la Scureza (83).

Cumé e' S-cioch (69) d'una Pegna (83), int e' Silenzi (90). A la Mesa (26), la Nota de' Nadel (25). Ciou! La i scapet ad bota, a l'Impruvisa (89), int e' moment che e' Prit (40) l'alzeva l'Os-cia (60) e lo u s'Miteva in znoc (90). I s'Vultet (24) tot. Intent che lo, Cunfus (3), e' Maseva (85) la faza, par no vdéi, int un Fazulet sporch (83). Un Atum (25), e pó u la Tiret só (80). E u s' vultet nenca lo. A n'voi Ciamel par nom (83) mo l'è Cnusù (48). L'Esest (83). E l'è un Fat vera (77). Ch'a i s'era nenca me. Utentatré, la Carogna (83); Quel ch'u ngn'e n'è di pez (83); Ciucì dl'uva (83); e' Dzun stret (83); la

pora Persa (83); e' Mulinel ad
vent (83), ch'i l'cema enca e'
Fulet (83); Pisì int e' mur (83),
ch'u l'fa Quel ch'e' lavora in
biblioteca (83). Che un dé l'è
Guantè mat (83), Senza sperenza
(83), e l'à decis 'd Spuses (83)
nench da par lo. Utentaré, a
'Fughès, però sol int e' mer (83).
Utentatré, Lurdès (83), e nench
Lurdè (83). Utentatré, e' Sbuchè
(83), quel ch'a sò me.



84

La Dona ad ca (84)

la segna utentaquatar,
nenca la Calzitera (84), e i Cavel
biinch (84); e' Cucer (84); e' Zugatul
(84); e' Tranel (84); l'Impiegh (84); e'
Brusador (84); l'Ales d'agnel (84).
Utenaquatar la Culena ad perli (84);
e' Bret da mariner (84); e' Ton salè
(84). Utenaquatar a Vlèi ben a e'
Signor (84), e a Entrè int la cisa (84),
che e' Sent dla Cresma (84), l'è zà
pront a lè. E pó dop, Festa (37)!
Cursa int i sach (84), Cafè cun
cioculeta (84), e pó un Buden (84),
ch'u l'Magna enca un malè (84).
Utenaquatar l'Urtiga (84) cla fora; e'
Campanil (84); e' Sufion (84), e'
Bosch taié (84). Utenaquatar aglj Éri
de' Mond (84), ch'u m'Intaresareb
(84) savéi quanti ch'aglj era. Un
Strabigh (30). Un Temp (74)

Immens (84). Ch'u t'ciapa la Vertigine (30). Ch'un Rumor (84), un S-cent (84) grand quant che t'vù, e' guenta un Sofi (84). Utentaquatar a Pituré un ritrat (84); al Men giazedì (84) ch'l'avevala mi zia. Utentaquatar a Caghìntlapadela (84). Utentaquatar a Murì par malatia (84).



85

Utentazenqv al zei (85);
Abrunzès (85); e' Vstì da
balarena (85); a Fès la berba
(85); a Sguazè (85); a Buté
zó la mangena (85).
Utentazenqv, l'Indurmantè
ch'e' casca (85); e' selt de'
balaren (85); Imparè la
lezion (85). Utentazenqv, u
l'fa Scanè di pol (85); Mursè
(85); e' Gilè (85); e' Carbon
(85). Utentazenqv, a Racuntè
(85): dla Nèva ch'la è
afundeda (85), de' Ré ch'l'è
mort(85), o ad quel dla Testa
pleda (75), mo ad Lengua
svelta (85) e de' su Zest 'd


salam (85). Utentazenqv u l'fa a Pisi int e' let (85); la Creolina (85); Lavès i pia (85), e nench la Bis-ciulina (85); u l'fa la Sabia bienca (85); a Rugi da la gran felicità (85). Mo 'des "e' Basta ciacri (85)", se no a pasem ad là.



86

Utentasia, u l' segna
a Imparè a scriv (86);
a Infamè al doni (86), che pó
spes al se Merita (36); Guantè
mat par l'amor (86); Murì impichì
(86). Utentasia, Cus un pol (86),
Alzè un did (86); Rischié la vita
(86). Utentasia, e' Sambugh (86),
e l'Udor ch'e' fa (86) a la Sera
(65). Utentasia, l'è l'Eget (86) in
du ch'u j è al Piramidi (4), la
Sfinge (44), e i Murt imbalsamè
(49) pr no Andè da mèl (65). Cun
tot al su Budeli (86), in di Bidun
(54), lè dria, s'i n'avés Bsogn
(55) un dé ch'i à da Stè só (5).
Che a que u n's'sa mai quel ch'e'
putrà suzed. Utentasia, a Dì dal
buiarii (86); Cor dria a di ledar


(86), Caves i ucil (86), che par Ciavè (72) i Dà dan (13). Utentasia l'è e' Mocul (86); L'Anel de' vescu (86); i Nomar ciamé a e' lot (86). Utentasia la Broza (86); la Boca verta (86); e' Braz stort (86). Cmè a tni un Umbrela (28) e a di "Tul int e' cul!".



87

Utentaset, i Bdoc (87),
che j è Znín znín (68), mo nenca un
Animeli quand ch'l'è grand (87).
Utentaset, a Fè i dint (87); Rimpìs ad
pen (87); 'Vé Prisia (87); Ès Bucè a
scola (87); l'Inciostar (87); la
Cantena cun la legna (87), cun cal
Lusini (39) basi d'una volta. Du ch'u
m'tucheve andè par 'Zend la stufa
(32), int e' Scur (4), cun una gran
Paura (90), che la Lusa (39) la
s'Azandeva (57) da da bas, e po',
sempra int e' scur, Turnè d'in só
(69), ad Cursa (39). Un Disperè (87).
Cun e' Cor (71) ch'u m'S-ciupeva
(36) par al Scheli (36). Utentaset, u
l'segna al Spasimedi (87) ch'a
Cusami (19) int e' Foran (56); e' Pè
ch'a m'sò brusé (87), quand, par
Sughim (40), la mi Ma (54) l'a
m'tniva, ad pes, sora a la Stufa (89),
dop ch'eva fat e' Bagn (16) int la

Mastela (26). Utentaset, Scutès (87); e' Tatuag (87); la Dughena (87); e' Derubé (87). Utentaset, a Cambìs i calzun (87); Aburtì in ca (87); e' Sugamen bagné (87). Utentaset, Quel ch'e' trafica (87), e nenca a Trafichè (87); Quel ch'u s'informa (87), e nenca l'Infurmè (87). Utentaset u l'fa Quel ch'e' pò tot (87), cioè l'Uniputent (87), che a que, mo sol a que, incua a sò me.



88

Utentot, Quel ch'e'sogna(88),

nenca s'u n'è indurment. E a que a sò me. Scomad (88). Scuntent (88). Seteri (88). Brosch (88). Scurbotich (88). U s'pò dì nench Cativ (69). Un Berbazvan (88). Anvod (68) d'un Tabacher (88). Utentot, e' Dialet (88); Andè sora a un sumar (88); la Danazion (88); la Ludla (88); e' Comunisum (88), e la Vacinazion (88). Utentot, la Timpesta (88); l'Erba invalneda (88); Quel ch'e' vend e' Turon (88); e' Vulchen 'zés (88), la Boca de'

canon (88). Utentot, e' Cacao (88), ch'l'è pó la Ciocuoleta (11); l'Usel, dop, quand ch'u s'Smurbia (88) ch't'é fat una Ciaveda(11). Utentot, a Cambìs la camisa (88); l'Anma de' paradìs (88); la Leza (88); Inmaziné (88). Incazès, mo sol cun e' fradel (88), e' fa utentot. Vintdó l'è par l'invigia (22). Un par e' cheld (1). Trantun 'csé pur ch'e' sia (31). Utentot, a sò me, e' Vec ch'e' civa ancora (88). E' Sorgh in boca a e' gat (88). Ancora me.




89

Utententanov, u l' segna alScherpinovi(89),

e insem al scherpi, Tot quel ch'l'esest a e' mond (89). Da e' Ré di turch (89), ch'i l'cema e' Gran sulten (89), zó fin a Dolfo, che l'è un Republichen (89). Da la Mudela (89) a la Vecia (89) Ingranznida (79). Tot quel ch'u j è (89): al Pienti (66), j Animeli (22), i Sas (41), l'Acua de' mer (36) o l'Aria dla montagna (89). Tot quel che un Dé (48), e Cascarà (51) int l'Abes (89). Acsé, senza 'Visé (4). T'ci a lè int e' ces che t'Chigh (89), magari ta t'fé nenca una Canteda (89), t'vì ch'u s'Innuvla (89). E via! Cmé ad dentar un Asensor ch'e' casca zó (89). Cun te tot chiitar: Pitrin, ch'u t'à Impristè dó ovi (89) propi Incua (16); Denis, che lo u i Casca i cavel (89) e u n'sa cmé fè; Gisto, ch'l'è Deperì (89) e l'à Pers la vosa (89); Gusto 'csé Spulicret (89), e l'era propi a lè a Lavès al meni (89); e' Pusten (84), 'Fazé a la

porta (89) dl'Olga, ch'u i purteva una Nova (89). Tot (40). Nench cal Ragazi (89): la Maria, ch'la s'Ingrosa (89), la Cesera, ch'la s'Prova (55) un Vstù (25) 'd Lustren a d'or (89) e che sta sera la j à d'Andé a balè (90), la Valeria, ch'la Cus dal topi int i calzun (89) de' Ba (8), ch'l'è a lè ch'e' Sapa int l'ort (89), e lia u j amenca tri dé' da e' Spusalizi (89)... E' Mond (90) u s'Sgunfiarà cumé un palon (89). Inotil Gunfi e' pet (89), o 'ndè a Paghè (90) la Rata (3) dla tu Asicurazion (89). U s'Sfundarà (89). E e' sarà nenca un Ben (89).



90

Nuventa, la
Paura (90),
e po' e' Curag (90).
L'Oman (90) e Dio
(90), e nench Gratès
e' cul (90).



Il costo del volume è
di 20 euro

E' possibile farselo inviare
richiedendolo alla libreria Bettini
di Cesena (0547-21634)
senza ulteriori spese di
spedizione



© 2007 Tosca
Via Verghereto, 44 Cesena



tosca è associata a Viaterrea
www.viaterrea.it

Se un l'è e' Sol, nuventa la Paura
 chùtar utentot i è ancora da truuvè
 mo i darà fora, te no' 'vé paura
 no' 'ndè s dmandéi in zír
 da reta a me

